

Zinzalesca

Una notte serena – zinga, zinga
Mi sveglia una sirena – zinga, zinga

Ùn si pò dorme in pace
Mignoculu crudele
Ma t'aghju da fà tace
Chì sò un grande ribellu.

Zinga a mio pella
Zinga a mio bella
Zing' ohimella
S'azzecca a zinzala.

Aspetta un pò mal vistu – zinga, zinga
L'assaltu hè previstu – zinga, zinga

Nemicu maliziosu
Si piatta in salottu
Ed'eo accidiosu
Li mengu un bellu cazzottu.

L'insettu tandu si ne scappò
Di l'omu ùn teme a ragiò
Di ratafia un carafò
In daretu à ellu si ne piattò

A pena di rispettu – zinga, zinga
Mignoculu infettu – zinga, zinga

D'un bel colpu di bomba
L'aghju pestu a so tromba
Ed'ellu cum'un ladrò
Mi hà puntu ind'è l'0
Di pena sò cascatu
Tandu l'aghju inchjaccatu
Era u mio culò

Gonfiu cum'è un limò
Muralità, quì dicu avà :
Ma pianta tù di stuzzicà.
S'hè tù sì chjucu è arrabbiatu
Un cerca di l'omu beatu.